

2 JON

Jon Mij Nab Ak Tikak

¹ Yad binib Klays yil midebal okok kilop kod midedep olap midedbin. Yad binawl* ayip ñipay nad ayip, God nibop dinigayn agil niñid dak okok, mij tikebin. Yad niñid yibil agebin, nibop mapen yibil lipin. Pen yad nokom mel, binib takaw niñid yibil nepal okok midupsek nibop mapen lipal. ² Taynen? Takaw niñid yibil ak chin ayip midil, chin ayip pel pelnep yenigab. ³ Bapi God ayip Ñine Jisas Klays ayip, chinop yimug niñid gitep gilig kod midenigayl. Midileknin, takaw niñid yibil nopun anib ak niñid, penpen mapen lil midil, midtep ginigabun.

Chin mapen lep kanib adek ak kidek ginigun

⁴ Ñipay nad oginap Bapi God takaw niñid agak tek kidek gipal ak nigen, yip tep yibil gup. ⁵ Pen binawl, chin penpen mapen linigun agil, miñil nep mij tikebin. Takaw kideyil tek linigab ak pen, takaw ned chin dinok ak nep agebin. ⁶ Penpen mapen lep ak anigil midedb, God agak tek kidek ginigun. Pen takaw kiles ne ned agek nepek ak anigil midedb, Nibi penpen mapen linimib.

1:1 Jon 8.32, 1 Pi 5.1, 1 Jo 3.18, 3 Jo 1 * **1:1** Bi gos nigep oginap kili anigil gos nepal, Pol ne binawl agup ak, ne takaw pal adan lil agup. Binawl anib ak, ne sios olap midedb agil gos nepal. **1:4** 3 Jo 3 **1:5** Jon 13.34, 15.12, 15.17, 1 Pi 4.8, 1 Jo 2.7-8, 3.11, 3.23 **1:6** Jon 14.15, 14.21, 1 Jo 2.5, 2.24, 5.3

Binib oginap takaw yepis agñibal ak, kidek ma ginigun

⁷ Binib kunay yibil, kili Jisas Klays ne bi yibil lil lum awl ma owak agil, binib man wakay okok okok kilop anib agñibal. Kili Klays nop diyokil tep ne anib ak yad din apal okok, binib okok kilop takaw yepis agñinigun agil anigil apal. ⁸ Anib ak tek nibi nigtep ginimib. Takaw chin kiles gil apun ak, kiles timel gil chichik dinimib. Mel ak, tap dipim anib ak keliginimib tek lup. Pen kiles gil jak yenigabim, God tap teplep ne midupsek nibop ñinigab.

⁹ Binib Klays takaw nop ak keligil, am takaw yokip oginap sek dipal okok, God ayip jimñil ma midebal. Binib pen Klays takaw nop ak nigilig midebal okok, Bapi ayip Ñine ayip jimñil midebal.

¹⁰ Anib ak binib oginap, nibop God takaw agñinig apenigel, nigtep gil kilop dinimib. Klays takaw ak keligil, takaw yepis ak agenigel, kilop ma ag dideg lil, kal migan nibi ak ma dad amnimib. ¹¹ Pen binib anib okok kilop ag dideg lil ponid kal nib amem, takaw timel kili aginigabal anib ak, nib apim tek linigab.

Takaw day won oginap

¹² Yad takaw kunay yibil mideb, nibop aginim ak pen, kil tikinigayn agil gos ma nepin. Gos yad pen anigil mideb. Yad nibop am ninjid, takaw agilig miñmiñ timel yibil ginigabun.

1:7 1 Jo 2.22, 4.1-3 **1:8** Mak 10.29-30, Gal 3.4, Hib 10.32, 10.35

1:9 1 Jo 2.23 **1:10** Epe 5.11, 2 Te 3.6 **1:12** Jon 17.13, 1 Jo 1.4, 3 Jo 13-14

¹³ God nanay nop dıngayn agıl nıñıd dak ak,
ñıpay ne okok kılı nep ag dıdeg lebal.

Jisas Klays Takaw Teplep Ne Tay New Testament

copyright © 2013 Pioneer Bible Translators

Language: Tay (Tai)

Translation by: Pioneer Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

- You include the above copyright and source information.

- You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 11 Nov 2022 from source files dated 29 Jan 2022

24d09cce-9a93-523a-afa5-7b091c264cee